

1455 jan. 21, AKDOG 1507

KADO1507, 21-1-1455

Transcriptie Jan Timmers

Jan, Gerit, Liesbet en Mechteld, kinderen van wijlen Jan van Stein verpachten erfelijk aan Jan zoon van wijlen Goossen Wolf, twee derde deel van huis en hof in Gemert naast de brug aan de Rips en verder naast het heren erf De Vloet tot het goed van Heyn Arts en verder naar het erf van de kinderen van Goossen Olieslagers tot aan de straat en langs de straat op tot aan De Rips. Dat alles voor twee derde delen van: een mander rogge, 4 pond boter, 8 jonge hoenders, 100 eieren, 12 ellen vlassen laken, 4 voeder turf, 4 vat raapzaad, te leveren aan de heren van Gemert. Met nog andere lasten. Bij het goed hoort nog een heimaat van 2 dagen per week op de Alde Haarde volgens de brief waarmee wijlen Gerit Steyngen het goed destijds heeft verkregen.

Uit andere bronnen is bekend dat het hier gaat om het goed Ter Watermolen.

Wy Everart van Handel, Lambrecht Ymbrychs soen, Peter Goessens soen, Dirck Wautgers soen, Gherijt Claes soen, Henrijk Wolf ende Dirck Arts soen scepenen in Ghemert tuegen in desen openen brijeve dat voir ons is comen Jan, Gheryt, Lysbet ende Mechtelt met hoeren gekoeren momber die hen gegeven is met vonnisse der scepen gelyckerwijs als dair aff gewoent ende recht is ... tege kinderen wilner Jans van Steyn ende hebben erfelike verpacht opgedragen ende overgegeven Jannen wilner Goesen Wolffs soen die twe gedeelten alst in drieen gedeylt is van enen huys hof ende erfenisse gelegen binnen der heerlichey van Ghemert aldair aen brugge beneven die Royspe ende neven der heren erwe geheyt die Vloet alsoe voert tot Heyn Arts soens by der erfve toe soe voert tot Goessen Olyslagers kinderen erfve toe, voert totter staten toe alsoe lancx beneven die straet totter Royspen toe voirsch. Dats te weten voir enen om twe gedeelten alst in dryeen delen van enen erf mander roggende maten van Ghemert. Item voir ende om die twe delen van dryen delen van vijer ponden boeteren ende van enen om twe delen van dryeen delen van acht jonger honre. Item voir en om die twe delen van dryen delen van hondert eyer. Item voir ende om die twe delen van dryeen delen van twelf ellen vlessens goets lakens ende voir ende om die twe delen van dryeendelen van vijer voeder torffs in te voeren die heren van Ghemert van der heren torff. Item van ende om die twe delen van dryen delen van vyer vaeten rubsaets datmen aller dat dair voirsch die en heren van Ghemert dair erfelicken uut geldende is dat sal die pechter voirsch altijd gelden ende betaelen op die scoudaghe dair aff. Item voir ende om een erf mudden roggende jairlicx ende erfelickx pachs dat Dirck Rulkens (?) soen wilner dair voortijt in vercregen heeft in scepenen brijeven van Ghemert gevest. Item van ende om drye mudden roggende jairlicx ende erfelickx pachs den voirsch Jannen, Gherijtden ende Mechtelden dair erfelicken uut te gelden ende te betaelen altoes op onser lieven sueter vrouwen dach purificatio als men kerssen boert. Voert soe hebben die verpechten voirsch Lysbet ende Mechtelt met hoeren momberen voirsch op dese voirsch twe gedeelten inden voirsch huys hof ende erfenisse helmelingte vertegen tot behoef des pechters voirschrevenen dyt voirsch erfve metter vryheyt die dair toe behoert ende met tweendaghen heymaets die weke met ene seysen te meyen opt heren alde harde als die princepael brijeve dair Gherijt Steyngen wilner dijt voirsch erfve mede vercregen heeft begripen ende in houwen hebben die voirsch verpechten ende Mechtelt met hoeren momber den voirsch jair pechter geloefft te weren ende te vertyen ende allen anderen voirschcommer loven dry pacht ende onraet voirsch den voirsch pechter aff te doen ende jairpechter voirsch heeft weder om geloefft als princepael sculder op hem ende op allen sijn guede den voirsch verpechten jairpachten ende onraet altijd gelden ende betaelen sullen op op die scoudaghen aff sunder argelyst.

Besegelt mytten segel ons ghemeynen scephendoms van Ghemert int jair ons heren dusedt
vyrhondert vijf ende vijtich enen twijntich daghe in januario.